



UNIVERSITÄTS-
BIBLIOTHEK
PADERBORN

Universitätsbibliothek Paderborn

Conciliorvm Omnivm Generalivm Et Provincialivm Collectio Regia

Ab anno MCXVIII. ad annum MCLXXIX.

Parisiis, 1644

VII. Secundum patronorum traditiones, ecclesiarum ordinationes non sunt
mutandae.

urn:nbn:de:hbz:466:1-15588

archiepiscopum abbatissā accessit, & apud eum querimoniam depositū de ipso. Archiepiscopus vero, quia visum sibi erat, quod factum militis super præsentatione præfata nullius esset momenti, prædicto episcopo in vi obedientiæ iniunxit, ut personam illam reciperet, & in possessionem induceret, quam abbatissā duxerat præsentandam. *Et infra:* Restitutione autem facta, causam audiatis, ita quod si vobis constiterit, quod præfato militi præscripta villa fuerit, non excepto iure patronatus, ad firmam concessa, vel antequam de iure patronatus inter abbatissam & militem controvrsia esset suborta, præfatus Vu. de Leicester in præscripta ecclesia per institutionem episcopi ad præsentationem militis fuisset institutus, ei, dummodo alias idoneus fuerit, ecclesiam ipsam adiudicetis, ita quod si abbatissa obtineat aduersus militem, illi de temporalibus debat respondere.

C A P. VI. *Idem VVintoniensī episcopo.*

Illud prætereundum non duximus, super quo te intelleximus dubitare, quod si aliquis laicus inconsulto episcopo, ecclesiam non vacantem concedat alicui religiosā domui, & postea cum vacauerit, ad præsentationem eius laici aliquis clericus ibi fuerit per diocefanum episcopum institutus; prior concessio per secundam concessionem, quo minus rata habeatur, infirmari non potest: nec debet aliquatenus impediri, cum illa concessio de iure nullius possit esse momenti: tum quia de re non vacante facta est, tum quia laicus sine auctoritate episcopi nemini potest ecclesias dare, licet religioso loco ius patronatus conferendi liberam habeat facultatem. Si vero ius patronatus, ecclesia vacante, religioso loco contulerit, & aliquis postea sine præsentatione fratum eiusdem loci fuerit in ipsa ecclesia institutus, eius institutio secundum rigorem iuris est irritanda.

C A P. VII. *Idem VVigorniensī episcopo.*

Querimoniam prioris & fratrum de Lauch nobis literis destinatam audiuiimus, quod R. quondam de Hereford comes, ius quod idem prior & fratres in ecclesia de Vuica, ex ordinatione R. de * Laci fundatoris ecclesiarum

<sup>ANNO CHRISTI
1179.</sup> suæ, & ipsius Richardi socii, habere debebant, coram bo-
næ memoriae I. quondam Vuigornensi episcopo recogno-
uit. Vnde idem episcopus postea iam dictum priorem &
fratres, nullo reclamante aut contradicente, inuestiuit, &
exinde eam deinceps illi quiete & pacifice possederunt.
Deinde cum inter præfatum comitem & C. vxorem, in
cuius patrimonio ecclesia illa consistit, diuortium per ec-
clesiasticum iudicium celebratum fuisset, eadem C. Vu.
Pictauensi nupsit, qui ecclesiæ præscriptæ fructus memo-
rato priori & fratribus omnino subtraxit, & eos in usus
R. sacerdotis eiusdem loci sine episcopali auctoritate con-
uertit. Cumque postmodum Vu. de medio sublato, præ-
fata C. tertio viro, Vu. scilicet de Meduan esset matrimo-
nio copulata, idem Vu. in ea qua alter Vu. temeritate per-
sistens, iam dictum R. in præscripta ecclesia contra prio-
rem supradictum manutenere & fouere incepit, dicens
quod prænominati episcopi institutio, quam super eccle-
sia ipsa, quæ de vxoris suæ aduocatione consistit, dum erat
in potestate illius viri, a quo postmodum separata esse dig-
noscitur, fecit, nullam debet firmitatem habere; præser-
tim cum matrimonium vxoris suæ, sicut asserit, integre sibi
restitutum non esset, nisi de ecclesia illa suam posset adim-
plere voluntatem. Verum quoniam absurdum videtur om-
nino, & ab ecclesia penitus eliminandum, ut ad singulas
patronorum secundum humanam conditionem mutatio-
nes, ecclesiarum debeat ordinationes mutari: ne quod a
supradicto R. taliter factum fuerit, alicui successorum li-
ceat irritare; fraternitati tuæ, &c. quatenus rei veritatem
diligenter & studiose inquiras: & si ita inuenieris esse prout
superius narratur, sepe dictis priori & fratribus ecclesiam
prælibatam, omni occasione & appellatione cessante, re-
stituas, & in pace facias possidere. Vicissitudines etiam hu-
iustodi ecclesiarum ab aduocatis vel aliis quibuslibet in
tua diecesi fieri, de cetero nulla ratione permittas: sed ea-
rum præsumptores usque ad dignam satisfactionem, dilata-
tione sublata, vinculo excommunicationis percellas.

C A P. VIII. *Lucius tertius Norwicensi episcopo.*

Cum aduocatus clericum unum idoneum præsentauer-
it episcopo, & postulauerit postmodum, eo non insti-
Concil. Tom. 27. Ffff ij